




XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es



Resolución do 22 de febreiro de 2018, da Dirección Xeral de Educación, Formación Profesional e Innovación Educativa, pola que se convoca a participación no “Congreso escolar Aliméntate ben 2018” para centros docentes públicos de ensino non universitario dependentes da Consellería de Cultura, Educación e Ordenación Universitaria.

A Lei orgánica 2/2006, do 3 de maio, de educación (modificada pola Lei orgánica 8/2013, do 9 de decembro, para a mellora da calidade educativa) establece no seu artigo 1, como un dos principios básicos que inspira o sistema educativo, o fomento e a promoción da investigación, a experimentación e a innovación educativa.

O artigo 2.1, referido aos fins do sistema educativo recolle, entre outros, a adquisición de hábitos intelectuais e técnicas de traballo, de coñecementos científicos, técnicos, humanísticos, históricos e artísticos, así como o desenvolvemento de hábitos saudables, o exercicio físico e o deporte.

Así mesmo, o Decreto 105/2014, do 4 de setembro, polo que se establece o currículo de educación primaria na Comunidade Autónoma de Galicia, no seu artigo 20.1, referente á promoción de estilos de vida saudables, recolle que “os centros docentes desenvolverán medidas específicas dentro do seu proxecto educativo, de xeito que se promova a práctica diaria de deporte e exercicio físico por parte dos alumnos e das alumnas durante a xornada escolar, en relación coa promoción dunha vida activa, saudable e autónoma”.

De igual xeito, o Decreto 86/2015, do 25 de xuño, polo que se establece o currículo da educación secundaria obligatoria e do bacharelato na nosa Comunidade, recolle no artigo 40.1 que “A consellería con competencias en materia de educación promoverá medidas para que a actividade física e a dieta equilibrada formen parte do comportamento xuvenil”.

Deste xeito, a materia de libre configuración autonómica Promoción de Estilos de Vida Saudables ten como finalidade abordar a prevención dos efectos negativos da inactividade física e da dieta desequilibrada, tratando de proporcionarlle ao alumnado unha serie de competencias que lle permitan, desde a práctica, adquirir e instaurar un estilo de vida saudable e que este se manteña no tempo, resaltando a importancia de favorecer unha metodoloxía que se fundamente na aprendizaxe a través da práctica, o traballo en equipo e o desenvolvemento de proxectos.

Para contribuír a estas dinámicas de promoción dos hábitos de vida saudables nace este “I Congreso escolar Aliméntate ben 2018”, que se enmarca dentro das actividades formativas que implementan o programa Aliméntate ben do Plan Proxecta da Consellería de Cultura, Educación e Ordenación Universitaria, en coordinación coas consellerías de Sanidade, do Mar, de Medio Rural e co Instituto Galego do Consumo e da Competencia. O obxectivo deste programa é traballar, mediante o desenvolvemento de diferentes proxectos, a alimentación saudable de xeito integral favorecendo o coñecemento da contorna a través das experiencias sensoriais, a familiaridade e o coñecemento dos alimentos que componen o noso patrimonio alimentario así como o fomento das eleccións alimentarias saudables a través da educación como consumidores responsables.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caelano, s/n
15781 Santiago de Compostela
www.edu.xunta.es



O “Congreso escolar Aliméntate ben 2018” preséntase como unha actividade protagonizada polo alumnado, que realizará persoalmente a exposición dos produtos e resultados dos proxectos de investigación desenvolvidos ao abeiro do programa “Aliméntate ben” dentro do Plan Proxecta. Con esta acción querece visibilizar e recoñecer o labor dos centros que están a desenvolver as iniciativas más novedosas no ámbito da alimentación saudable.

De acordo co anteriormente exposto,

DISPOÑO:

Artigo 1. Obxecto

1. Esta resolución ten como obxecto seleccionar 20 centros docentes públicos de ensino non universitario (10 de infantil e/ou primaria e 10 de secundaria e/ou formación profesional) para participar no “Congreso escolar Aliméntate ben 2018”, organizado conxuntamente coa Consellería de Sanidade, Consellería do Mar, Consellería de Medio Rural e Instituto Galego do Consumo e da Competencia.

O Congreso terá lugar os días 3 e 4 de maio de 2018 no Palacio de Congresos de Santiago de Compostela.

2. Os centros docentes seleccionados para participar no congreso optarán aos premios establecidos no artigo 9 desta resolución, que se outorgarán aos mellores proxectos presentados durante o congreso.

Artigo 2. Centros destinatarios

Poderán participar nesta convocatoria os centros docentes públicos de ensino non universitario da Consellería de Cultura, Educación e Ordenación Universitaria que impartan ensinanzas de educación infantil, primaria, secundaria e formación profesional que participaran nalgunha das modalidades do programa “Aliméntate ben” en calquera das súas edicións dentro do Plan Proxecta.

Artigo 3. Características dos proxectos

Os centros participantes deberán realizar, no marco deste congreso, unha presentación pública que protagonizará de xeito activo o alumnado, orientado e guiado polo persoal docente, e na que se dará a coñecer o resultado da actividade desenvolvida pola comunidade educativa. Os proxectos presentaranse en calquera dos soportes/formatos establecidos polo comité organizador (comunicación oral, comunicación póster, stand, obradoiro de demostración práctica).



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es



Artigo 4. Solicitud e documentación

1. Cada centro deberá enviar unha única solicitude cubrindo o formulario normalizado (Anexo I) que se xunta a esta resolución. As solicitudes presentaranse asinadas pola dirección do centro. Na súa participación, os centros poderán presentar un ou varios proxectos, que indicarán no Anexo I.
2. As solicitudes poden presentarse en calquera dos lugares e rexistros establecidos no artigo 16.4 da Lei 39/2015, do 1 de novembro, do procedemento administrativo común das administracións públicas. Para os efectos de envío de solicitudes, o rexistro do centro non ten validez.

Ademais, deberase adiantar a través do correo electrónico unha copia da solicitude selada polo Rexistro, que será enviada antes do remate do prazo de solicitude ao seguinte enderezo electrónico: congreso_alimentateben@edu.xunta.es.

Artigo 5. Prazo de presentación das solicitudes

O prazo de presentación das solicitudes comeza o día seguinte ao da publicación desta resolución no portal educativo da Consellería de Cultura, Educación e Ordenación Universitaria (<http://www.edu.xunta.gal/portal/>) e remata aos 15 días naturais da publicación desta convocatoria no portal educativo.

Artigo 6. Comisión de selección

Os centros que se presenten a esta convocatoria serán seleccionados por unha comisión constituída por:

1. Presidencia: a persoa titular da Subdirección Xeral de Ordenación e Innovación Educativa e Formación do Profesorado ou persoa en quen delegue (Consellería de Cultura, Educación e Ordenación Universitaria)
2. Vogais:
 - A persoa titular do Servizo de Ordenación, Innovación e Orientación Educativa, ou persoa en quen delegue (Consellería de Cultura, Educación e Ordenación Universitaria).
 - A persoa titular do Servizo de Mercados, ou persoa en quen delegue (Consellería do Mar).
 - A persoa titular do Servizo do Sector Lácteo e Mercados Agrícolas, ou persoa en quen delegue (FOGGA).
 - A persoa titular do Servizo de Estilos de Vida Saudables e Educación para a Saúde, ou persoa en quen delegue (Consellería de Sanidade).
 - A persoa titular da dirección técnica da Escola Galega do Consumo pertencente ao Instituto Galego do Consumo e da Competencia, ou persoa en quen delegue (Consellería de Economía, Emprego e Industria).



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es



- Dúas persoas asesoras do Servizo de Ordenación, Innovación e Orientación Educativa, unha das cales actuará como secretaria.

Artigo 7. *Criterios de selección*

1. A comisión regulada no artigo anterior seleccionará 20 centros entre todas as candidaturas presentadas para participar no congreso.
2. Para a selección dos centros que participarán no congreso teranse en conta os seguintes criterios:
 1. Centros participantes no programa Aliméntate ben nalgunha das súas edicións a través do Plan Proxecta (1 punto por curso escolar, ata un máximo de 5 puntos).
 2. Calidade educativa do proxecto presentado polo centro (ata 5 puntos).
 3. Adecuación do proxecto á promoción de hábitos de vida saudables (ata 5 puntos).
 4. Grao de participación da comunidade educativa (ata 5 puntos).

Artigo 8. *Premios*

Os proxectos seleccionados para participar no congreso optarán a premio nalgunha das seguintes categorías:

- categoría A: proxectos desenvolvidos por alumnado de infantil e primaria.
- categoría B: proxectos desenvolvidos por alumnado de ESO, bacharelato e formación profesional.

Outorgarase un premio de 2500 € en cada unha das dúas categorías con cargo á aplicación orzamentaria 10.50.423A.229 dos orzamentos da Consellería de Cultura, Educación e Ordenación Universitaria para o ano 2018.

Categoría	Premio	Importe
A	único	2.500 €
B	único	2.500 €

Os premios poderán ser declarados desertos, no caso de que non se atope a calidade suficiente para outorgalos. Con carácter excepcional, e por acordo motivado, os membros do xurado poderán determinar a redistribución da contía dos premios declarados desertos entre o resto dos centros premiados na súa categoría.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es



O xurado poderá conceder accésits a aqueles centros que presenten unha boa práctica educativa digna de mención. Os accésits non supoñen a concesión de contía económica, pero si recibirán o recoñecemento de premio de innovación educativa.

Este premio é compatible coa concesión de calquera outro de que sexa beneficiario o centro.

Artigo 9. *Dotación orzamentaria*

1. Está actividade financiarase ata un máximo de 15.000 € con cargo á aplicación 10.50.423A.229 dos orzamentos da Consellería de Cultura, Educación e Ordenación Universitaria para o ano 2018, onde existe crédito axeitado e suficiente.

Os centros docentes premiados recibirán a contía de 2500 € nun único pagamento, no período correspondente ao exercicio económico 2018.

Os 20 centros seleccionados para participar no congreso recibirán tamén ata un importe máximo de 500 € en calidade de axudas de custo para cubrir os gastos de funcionamento cos que poderán cubrir os custos xerados pola súa participación. Este importe irá con cargo á aplicación orzamentaria 10.50.423A.229 dos orzamentos da Consellería de Cultura, Educación e Ordenación Universitaria para o ano 2018.

2. Os centros premiados teñen a obriga de destinar o importe do premio a sufragar gastos imputables á participación do centro no programa Aliméntate ben.

3. Os gastos descritos no parágrafo anterior deben realizarse na súa totalidade antes do 31 de decembro de 2018. A súa xustificación farase a través da contabilidade xeral do centro.

Artigo 10. *Xurado dos premios*

1. O xurado estará constituído por persoas con formación académica acreditada no ámbito da educación, da alimentación e da nutrición, e serán designadas pola comisión de selección para tal efecto.

2. O xurado valorará, durante a realización do congreso, a calidade das propostas presentadas polo alumnado, das cales seleccionará a mellor en cada unha das categorías.

3. O xurado elevará o seu fallo á Comisión de selección.

Artigo 11. *Resolución*

1. A comisión de selección, unha vez avaliadas as solicitudes presentadas, emitirá unha resolución provisional cos centros admitidos para participar no congreso. Esta resolución provisional poderase consultar na web desta consellería (<http://www.edu.xunta.gal/portal/>).



2. Os centros solicitantes disponen dun prazo de 5 días hábiles, contados a partir do día seguinte ao da publicación da resolución provisional na dita páxina web, para realizar reclamacións ou renuncias.
3. Transcorrido este prazo, a comisión de selección realizará a valoración das reclamacións e renuncias formuladas e, deseguido, elevaralle a proposta definitiva dos centros admitidos á persoa titular da Dirección Xeral de Educación, Formación Profesional e Innovación Educativa, que adoptará a resolución definitiva.
4. A comisión de selección, logo de escoitar o fallo do xurado, realizará unha proposta de resolución de concesión de premios, que elevará ao director xeral de Educación, Formación Profesional e Innovación Educativa, quen ditará resolución.
5. A resolución de concesión de premios, na que se incluirán os proxectos seleccionados e o importe do premio asignado a cada un deles, publicarase no portal educativo (<http://www.edu.xunta.gal/portal/>).

Artigo 12. Certificación do profesorado participante

1. Os docentes que participen no “Congreso escolar Aliméntate ben 2018” recibirán da Consellería de Cultura, Educación e Ordenación Universitaria un certificado como actividade de innovación educativa cunha equivalencia de 8 horas de formación permanente do profesorado.
2. Ademais, o profesorado coordinador dos proxectos que resulten premiados polo xurado recibirá unha certificación de premio de innovación educativa cunha equivalencia de 20 horas de formación permanente do profesorado.

Artigo 13. Difusión do programa

1. Os centros que resulten seleccionados para participar no congreso teñen a obriga de aceptar as súas bases, colaborar nas accións de difusión que se organicen así como cederlle á Consellería de Cultura, Educación e Ordenación Universitaria dos dereitos de propiedade intelectual dos materiais educativos relacionados co desenvolvemento do programa no centro para a súa edición. Estes materiais difundiranse baixo a licenza “Creative Commons” que combine as propiedades “recoñecemento” e “compartir igual”.
2. A Consellería de Cultura, Educación e Ordenación Universitaria poderá proceder á reprodución, publicación e divulgación dos proxectos premiados a través dos medios que ten ao seu dispoñer.
3. Os centros gañadores quedan na obriga de asumir as responsabilidades que puideran resultar da utilización dos textos, das imaxes e doutros elementos creativos achegados na realización do proxecto e respecto dos cales a propiedade sexa de terceiras persoas ou entidades alleas a esta convocatoria.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es

galicia

4. O centro participante deberá contar coa autorización por escrito das familias dos menores que participen no congreso.

Artigo 14. Protección de datos de carácter persoal

De conformidade coa Lei orgánica 15/1999, do 13 de decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro denominado "Avaliación do sistema educativo", cuxo obxecto é xestionar este procedemento, así como para informar as persoas interesadas sobre o seu desenvolvemento. O órgano responsable deste ficheiro é a Secretaría Xeral Técnica da Consellería de Cultura, Educación e Ordenación Universitaria. Os dereitos de acceso, rectificación, cancelación e oposición poderanxe exercer ante a Secretaría Xeral Técnica da Consellería, mediante o envío dunha comunicación ao seguinte enderezo: Secretaría Xeral Técnica da Consellería de Cultura, Educación e Ordenación Universitaria, Edificio administrativo de San Caetano, s/n, Bq. II – 2º andar 15781 Santiago de Compostela, ou a través dun correo electrónico a sxoifp@xunta.es.

Santiago de Compostela, 22 de febreiro de 2018



Manuel Corredoira López

Director xeral de Educación, Formación Profesional e Innovación Educativa